

ODLUKU

O DAVANJU PRETHODNE SAGLASNOSTI ZA OSNIVANJE PREDŠKOLSKE USTANOVE "WALDORFSKI VRTIĆ KOLIBICA"

I

Daje se prethodna saglasnost Enisi Spilidi, iz Sarajeva, za osnivanje Predškolske ustanove "Waldorfski vrtić Kolibica", sa sjedištem u Sarajevu, ulica Ismeta Alajbegovića Šerbe br. 22, Općina Ilidža.

II

Nalaže se primaocu saglasnosti iz tačke I ove Odluke da u skladu sa članom 19. do 24. Zakona o predškolskom odgoju i obrazovanju u Kantonu Sarajevo ("Službene novine Kantona Sarajevo", br. 26/08 i 21/09) realizira sve potrebne aktivnosti za osnivanje i početak rada Ustanove i nakon toga podnese zahtjev Ministarstvu za obrazovanje, nauku i mlade Kantona Sarajevo za utvrđivanje uslova za početak rada ustanove.

III

Ova Odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-05-39401-4/18
13. decembra 2018. godine
Sarajevo

Premijer
Adem Zolj, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i broj 37/14 - Ispravka) i člana 146. stav (3) Zakona o srednjem obrazovanju ("Službene novine Kantona Sarajevo", broj 23/17), Vlada Kantona Sarajevo je, na 158. sjednici održanoj 13.12.2018. godine, donijela

ODLUKU

O DAVANJU SAGLASNOSTI ZA IMENOVANJE DIREKTORICE JAVNE USTANOVE PETA GIMNAZIJA SARAJEVO

I

Daje se saglasnost Školskom odboru Javne ustanove Peta gimnazija Sarajevo, da se Tokalija Deniza, profesor hemije, imenuje za direktoricu Škole.

II

Ova Odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-05-39401-5/18
13. decembra 2018. godine
Sarajevo

Premijer
Adem Zolj, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i broj 37/14 - Ispravka), člana 29. stav (2) Zakona o ustanovama ("Službeni list R BiH", broj 6/92, 8/93 i 13/94) i člana 95. Zakona o osnovnom odgoju i obrazovanju ("Službene novine Kantona Sarajevo", broj 23/17 i 33/17), Vlada Kantona Sarajevo je, na 158. sjednici održanoj 13.12.2018. godine, donijela

ODLUKU

O DAVANJU SAGLASNOSTI ZA IMENOVANJE DIREKTORICE OSNOVNE ŠKOLE "MULA MUSTAFA BAŠESKIJA" SARAJEVO

I

Daje se saglasnost Školskom odboru Osnovne škole "Mula Mustafa Bašeskija" Sarajevo da se Emina Mujan, profesor razredne nastave, imenuje za direktoricu Škole.

II

Ova Odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-05-39401-6/18
13. decembra 2018. godine
Sarajevo

Premijer
Adem Zolj, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi Prečišćeni tekst i 37/14 - Ispravka), a u vezi sa članom 23. stav (2) Zakona o socijalnoj zaštiti, zaštiti civilnih žrtava rata i zaštite porodice sa djecom ("Službene novine Kantona Sarajevo", broj 38/14 - Prečišćeni tekst, 38/16, 44/17 i 28/18), Vlada Kantona Sarajevo je, na 158. sjednici održanoj 13.12.2018. godine, donijela

ODLUKU

O UTVRĐIVANJU NOVČANOG DODATKA NA IME PLAĆANJA TROŠKOVA KOMUNALNIH USLUGA

Član 1.
(Predmet)

Ovom odlukom se propisuje ko su korisnici prava na novčani dodatak na ime plaćanja troškova komunalnih usluga, uslov za ostvarivanjem ovog prava, preduzeća kojima se vrši plaćanje troškova komunalnih usluga, zaključivanje sporazuma sa komunalnim preduzećima, stavljanje van snage ranije odluke, primjena, stupanje na snagu i objavljivanje ove odluke.

Član 2.
(Korisnici prava)

Domaćinstva u kojima jedan od članova domaćinstva korisnika stalne novčane pomoći u skladu sa Zakonom o osnovama socijalne zaštite, zaštite civilnih žrtava rata i zaštite porodice sa djecom ("Službene novine Federacije BiH", br. 36/99, 54/04, 39/06, 14/09, 45/16 i 40/18) i Zakonom o socijalnoj zaštiti, zaštiti civilnih žrtava rata i zaštite porodice sa djecom ("Službene novine Kantona Sarajevo", broj 38/14 - Prečišćeni tekst, 38/16, 44/17 i 28/18) ostvaruje pravo na stalnu novčanu pomoć, imaju pravo na novčani dodatak na ime plaćanja troškova komunalnih usluga koje čine: usluge prikupljanja, odvoženja i deponovanja komunalnog otpada i usluge snabdijevanja pitkom vodom, odvođenja i prečišćavanja otpadnih voda (u daljem tekstu: komunalne usluge), u ukupnom iznosu do 50,00 KM.

Član 3.

(Uslov za ostvarivanje prava na plaćanje komunalnih usluga)

Pravo na plaćanje troškova komunalnih usluga, mogu ostvariti domaćinstva iz člana 1. ove odluke pod uslovom da je jedan od članova domaćinstva zaključio ugovor o pružanju ovih usluga sa Kantonalnim javnim komunalnim preduzećem "Rad" d.o.o. Sarajevo (u daljem tekstu: KJKP "Rad") i sa Kantonalnim javnim komunalnim preduzećem "Vodovod i kanalizacija" d.o.o. Sarajevo (u daljem tekstu: KJKP "Vodovod i kanalizacija") ili da je evidentiran u ovim komunalnim preduzećima kao korisnik, što se dokazuje računom za komunalne usluge.

Član 4.

(Preduzeća kojima se vrši plaćanje usluga)

(1) KJKP "Rad" i KJKP "Vodovod i kanalizacija" će svakog mjeseca na osnovu spiska korisnika stalne novčane pomoći koji im dostavlja Javna ustanova "Kantonalni centar za socijalni rad" (u daljem tekstu: Kantonalni centar), dostaviti Ministarstvu za rad, socijalnu politiku, raseljena lica i izbjeglice Kantona Sarajevo (u daljem tekstu: Ministarstvo) putem Kantonalnog centra fakturu za plaćanje troškova komunalnih usluga za taj mjesec, koja će u prilogu sadržavati spisak domaćinstava koja ostvaruju pravo na plaćanje komunalnih usluga, zajedno sa prikazanom potrošnjom i računom za plaćanje komunalne usluge za svako domaćinstvo.

(2) Sredstva za plaćanje troškova komunalnih usluga u skladu sa ovom odlukom obezbjeđuju se u Budžetu Kantona Sarajevo, sa pozicije Ministarstva.

Član 5.
(Zaključivanje sporazuma)

Ministarstvo će za svaku od komunalnih usluga iz člana 2. ove odluke zaključiti sporazum sa KJKP "Rad" i KJKP "Vodovod i kanalizacija", kojim će se regulisati način plaćanja navedenih usluga.

Član 6.
(Stavljanje van snage)

Ovom odlukom stavlja se van snage Odluka o utvrđivanju visine komunalnog dodatka na ime plaćanja komunalnih usluga ("Službene novine Kantona Sarajevo", broj 23/02).

Član 7.
(Stupanje na snagu)

Ova odluka se počinje primjenjivati nakon zaključivanja sporazuma iz člana 5. ove odluke, a stupa na snagu narednog dana od dana objavljivanja u "Službenim novinama Kantona Sarajevo".

Broj 02-05-39401-14/18
13. decembra 2018. godine
Sarajevo

Premijer
Adem Zolj, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), Poglavlja V tačka 3. Odluke o usvajanju programa mjera za socijalno zbrinjavanje zaposlenika koji su u procesu stečaja, likvidacije, restruktuiranja i privatizacije ostali ili ostaju bez posla ("Službene novine Federacije BiH", broj 5/07 i Programa restruktuiranja i zbrinjavanja zaposlenika privrednog društva "Satex" d.d. Sarajevo za 2018. godinu), Vlada Kantona Sarajevo je, na 152. sjednici održanoj 15.11.2018. godine, donijela

ODLUKU

**O UPLATI DOPRINOSA ZA PENZIONO OSIGURANJE
U SVRHU PENZIONISANJA ZAPOSLENIKA
PRIVREDNOG DRUŠTVA "SATEX" D.D. SARAJEVO**

I

Ministarstvo privrede Kantona Sarajevo i JU "Služba za zapošljavanje Kantona Sarajevo" će, u skladu sa Programom restruktuiranja i zbrinjavanja zaposlenika privrednog društva "Satex" d.d. Sarajevo za 2018. godinu, a na koji je Ministarstvo privrede dalo saglasnost, izvršiti uplatu doprinosa za penziono osiguranje za zaposlenike privrednog društva "Satex" d.d. Sarajevo koji su stekli uslove za odlazak u penziju, a istim nije uplaćeno penziono osiguranje.

II

JU "Služba za zapošljavanje Kantona Sarajevo" će vršiti uplatu sredstava na račun Federalni zavod za PIO/MIO za sljedeće zaposlenike:

1. HERENDA ENVERA, ostvarila pravo na penziju 15.02.2015. godine, dugovanja po osnovu PIO/MIO u ukupnom iznosu od 21.808,63 KM.
2. SOFIĆ AIDA, ostvarila pravo na penziju 23.10.2016. godine, dugovanja po osnovu PIO/MIO u ukupnom iznosu od 25.120,32 KM.
3. AGANOVIĆ IZA, ostvarila pravo na penziju 15.02.2015. godine, dugovanja po osnovu PIO/MIO u ukupnom iznosu od 21.596,86 KM.
4. LIGATA SAIMA, ostvarila pravo na penziju 13.04.2016. godine, dugovanja po osnovu PIO/MIO u ukupnom iznosu od 23.268,27 KM.
5. HASANOVIĆ ĐULA, ostvarila pravo na penziju 15.02.2015. godine, dugovanja po osnovu PIO/MIO u ukupnom iznosu od 21.808,63 KM.

6. BJELANOVIĆ IFETA, ostvarila pravo na penziju 29.10.2011. godine, dugovanja po osnovu PIO/MIO u ukupnom iznosu od 16.958,32 KM.
7. DRAKOVAC SEHIJA, ostvarila pravo na penziju 14.02.2015. godine, dugovanja po osnovu PIO/MIO u ukupnom iznosu od 21.592,57 KM.
8. MUJEZIN ALMA, ostvarila pravo na penziju 11.04.2017. godine, dugovanja po osnovu PIO/MIO u ukupnom iznosu od 24.987,80 KM.
9. ČAUŠEVIĆ ALMASA, ostvarila pravo na penziju 15.02.2015. godine, dugovanja po osnovu PIO/MIO u ukupnom iznosu od 21.598,86 KM.
10. ZELIHIĆ NASIHA, ostvarila pravo na penziju 13.03.2015. godine, dugovanja po osnovu PIO/MIO u ukupnom iznosu od 21.703,18 KM.
11. BARAC FAHIRA, ostvarila pravo na penziju 15.02.2015. godine, dugovanja po osnovu PIO/MIO u ukupnom iznosu od 21.808,63 KM.
12. PINJO ADVIJA, ostvarila pravo na penziju 14.02.2017. godine, dugovanja po osnovu PIO/MIO u ukupnom iznosu od 24.734,83 KM.
13. IMŠIROVIĆ FAZILA, ostvarila pravo na penziju 14.02.2017. godine, dugovanja po osnovu PIO/MIO u ukupnom iznosu od 21.596,86 KM.
14. ZAHIROVIĆ ŠEFIKA, ostvarila pravo na penziju 15.02.2015. godine, dugovanja po osnovu PIO/MIO u ukupnom iznosu od 22.633,18 KM.

III

Sredstva iz tačke I ove Odluke isplatit će se iz sredstava planiranih na poziciji ekonomski kod 614150 - Ostali transferi PIO/MIO - Program socijalnog zbrinjavanja zaposlenih (stečaj, likvidacija i prestruktuiranje) u Finansijskom planu JU "Službe za zapošljavanje Kantona Sarajevo", za uplatu doprinosa za PIO/MIO u svrhu penzionisanja zaposlenika.

IV

Za realizaciju ove Odluke zadužuje se Ministarstvo privrede Kantona Sarajevo i JU "Služba za zapošljavanje Kantona Sarajevo", svako u okviru svojih nadležnosti.

V

Ova Odluka stupa na snagu narednog dana od dana objavljivanja u "Službenim novinama Kantona Sarajevo", a primjenjivat će se od dana davanja saglasnosti na Program restruktuiranja i zbrinjavanja zaposlenika privrednog društva "Satex" d.d. Sarajevo za 2018. godinu.

Broj 02-05-37295-3/18
15. novembra 2018. godine
Sarajevo

Premijer
Adem Zolj, s. r.

Na osnovu člana 14. stav (3) Zakona o izvršavanju Budžeta Kantona Sarajevo za 2018. godinu ("Službene novine Kantona Sarajevo", br. 51/17 i 28/18) i člana 26. i člana 28. stav (4) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), Vlada Kantona Sarajevo je, na 158. sjednici održanoj 13.12.2018. godine, donijela sljedeći

ZAKLJUČAK

**O UNOSU NAMJENSKIH SREDSTAVA U BUDŽET
KANTONA SARAJEVO ZA 2018. GODINU**

1. Odobrava se unos sredstava (prihodi od indirektnih poreza na ime finansiranja cesta i drugih cesta u Federaciji BiH 717114) u Budžet Kantona Sarajevo za 2018. godinu u ukupnom iznosu od 2.938.669 KM koje je, na osnovu nove projekcije prihoda Federalnog ministarstva finansija, budžetski korisnik Ministarstvo saobraćaja - Direkcija za puteve ostvario od indirektnih poreza na ime finansiranja autocesta u Federaciji BiH.